



O abarimaa, merekyerekyerε wo nsem bi: Ma w'adwene nkɔ Nyankopɔn so na Ɔbεma N'adwene aba wo so. Ma w'adwene nkɔ Nyankopɔn so na wobεhunu No wɔ w'anım. Sε worebisa a, bisa Nyankopɔn

Eferi IBNU ABBAS Nyame penenee enka nu- kase: Da bi, Na mewɔ Nyame Somafoɔ no akyi, Nyankopɔn nhyira ne asomdwoe nka no, na ɔkaa sε: “ O abarimaa, merekyerekyerε wo nsem bi: Ma w'adwene nkɔ Nyankopɔn so na Ɔbεma N'adwene aba wo so. Ma w'adwene nkɔ Nyankopɔn so na wobεhunu No wɔ w'anım. Sε worebisa a, bisa Nyankopɔn, na sε worehwehwe mmoa a, hwehwe mmoa firi Nyankopɔn hɔ. Hunu sε, sε ɔmanfoɔ no nyinaa bεhyia mu sε wɔreyε biribi aboa wo a, wɔrentumi nyε biribiara mmoa wo gye sε adeε a Nyankopɔn atwerε ama mo dada, na sε wɔrehyia mu sε wɔreyε biribi aha wo a, wɔrentumi nyε hwee ntia wo gye sε adeε a Nyankopɔn atwerε ama wo, Yeapagya atwerεdua no na nkrataa no nso aho.

[صحيح] [رواه الترمذي]

Ibn Abbas, Nyankopɔn ani nnye ne ho, kaa sε, na ɔye abarimaa kumaa bi a ɔne Ɔkɔmhyeni no te pɔnkɔ so, Nyankopɔn nhyira ne asomdwoe nka no, Na Onyankopɔn nhyira ne asomdwoe nka no, ka kyerεε no sε: Mεkyerekyerε wo nsem ne nneεma a Onyankopɔn bεboa wo wɔ ho: Ma w'adwene nkɔ Onyankopɔn so denam N'ahyεdeε a wobedi so na woakwati deε Wabara ho, senea εbeyε a Ɔbεhu wo wɔ setie ne ahofama mu, na εnye bɔne ne mmaratɔ mu. Sε woyε saa a, w'akatua beyε sε Onyankopɔn bεbɔ wo ho ban afiri wiase yi ne daankwamma amanehunu ho, na Ɔbεboa wowɔ wo mmɔdemmoɔ ho wɔ baabiara a wobεkɔ biara. Sε wopε sε wobisa biribi a, mmisa obiara gye sε Onyankopɔn nko ara, εfiri sε Ɔno nko ara na Ɔbua wɔn a wobisa no. Sε wopε mmoa a, nhwehwe mmoa mfiri obiara hɔ gye Onyankopɔn. Na hunu sε worennya mfasɔ biara mpo sε asaase so nnipa nyinaa boaboa wɔn ho ano sε wɔbεboa wo a, gye deε Onyankopɔn atwerε ama wo, na sε asaase so nnipa nyinaa boaboa wɔn ho ano sε wɔrebεha wo mpo a, wɔretumi nha wo, gye sε deε Onyankopɔn ahyehyε ama wo. Ade Nyinaa so Tumfoɔ Nyankopɔn na Ɔtwerεε saa asem yi na Ɔhyεε senea Ne nyansa ne Ne nimdeε hwehwe tee, na nsesaε biara nni nea Onyankopɔn atwerε no mu.

النجاة الخيرية
ALNAJAT CHARITY

